



Proget promovût di 'Il Friuli' e 'ARLeF'

**TANT PAR RIDI**

“Mame, mame, mi compristu i coriandui?”  
 “Sigûr che no!”  
 “E parcè?”  
 “Parcè che ogni volte che tai regali, tu tu ju butis”

**LIS AVENTURIS DI VIGJI**

**DI CE SI VISTÏNO A CARNEVÂL?**

Si svicinave simpri di plui la di di Carnevâl e Daria, che e lavore inte scuele de infanzie, e voleve fâur une bieles sorprese ai frutins de sô sezion: vistîsi in mascare ae fiestute immaneade di pueste pe ocasion. E voleve inventâsi alc di originâl; e veve miârs di ideis ma e jere une vore incierte su la siele. “O podarès vistîmi di strie!” - e pensà - “No, sigûr



che cualchi frutin al varès pôre”. Intant i pinsirs a levin indevant: vistîsi di autiste? No, parcè che, in fonts no i è mai plasût a jê vuidâ. Di balarine di danze classiche? No, no varès mai podût cjatâ scarputis cu la ponte, cul so 41 di pît! E di Arlechin o Colombine? Cuissà mai se e varès rivât a cjatâ ancjemò lis mascaris di une volte ator pai negozis. Fintremai che i balinà une idee tal cjâf: e preparà un cerclut cun tacadis parsore dôs orelis a ponte di colôr grîs fum, e distacà un lunc cuel di pêl pustîç di une gjachete che e puartave di piçule par fâ la code, un lunc mantîl grîs là che i disegna parsore cualchi bieles striche nere, e cussì e jere pronte par vistîsi di gjat. Ma no di un gjat cualsisedi: si jere vistude di Vigji!

(Al va indenant...)

**CJANTIS, FILASTROCJIS, POESIIS**

**CARNEVÂL**

Carnevâl al è rivât  
 Mil colôrs al à puartât  
 Svoi in plene libertât  
 Son lis mascaris tal prât.  
 Arlechin al strenç i pugns,  
 Colombine e fâs l'inchin,  
 Fracanape ti sbelee.  
 Carnevâl al è rivât  
 Mil colôrs al à puartât  
 Svoi in plene libertât  
 Son lis mascaris tal prât.

Svoi in plene libertât  
 Son lis mascaris tal prât.  
 Arlechin al strenç i pugns,  
 Pantalon al alce i braçs,  
 Colombine e fâs l'inchin,  
 Fracanape ti sbelee.  
 Carnevâl al è rivât  
 Mil colôrs al à puartât  
 Svoi in plene libertât  
 Son lis mascaris tal prât.

Cjançon “Carnevâl”, tirade fûr dal librut cun cd “Cjantis e rimarolis pai frutins”, di Alessandra Kersevan e Giancarlo Velliscig.

**ZÛCS**

Dentri di cheste suaze, disegne Daria vistude di Vigji e, se tu vuelis, mande il to dissen a [maman@tvstar.com](mailto:maman@tvstar.com)



**LU SAVEVISO CHE...?**

■ Sant Blàs al ven festezât ai 3 di Fevrâr e ricuardât, in particolâr, pe vuarison des malatiis o incidents dal cuel. In di di vuê, ai 3 di Fevrâr, intes glesiis si fâs il rituâl de “imposizion des cjandelis”, ven a stâi doi ceris che a vegnin incrosâts a nivel dal cuel, par domandâ al Sant la sô protezion.



**LA DETULE DAL DÌ**  
 A SANT BLÂS,  
 FRÊT E CJALT  
 A FASIN  
 LA PÂS.

Pagjinis curadis di Daria Miani  
 Consulence linguistiche de ARLeF



**RICETIS - Master Cogo Furlan**

**TIRAMISÛ**

Par fâ il Tiramisù o vès dibisugne di:

- 500 gr. di mascarpon
- 2 ûfs
- 1 piçade di sâl
- 4 sedons di zucar
- Biscots savoiarts
- Cafè
- Cacau amâr in polvar

Mi racomandi, prime di scomençâ: lavaitis simpri lis mans; metêt lis manecis tes mans, un grumâl intor par no sporcjâsi, un cjapiel di cogo par no pierdi cjavei inte pignate, e fasêtsi simpri



judâ di un grant par ducj i passaçs. Sêso pronts? Alore scomencin!

Prepare il cafè e metilu intune terine par che si disfredi. Par un tiramisù medi come il nestri, e baste une moche di sîs. Romp i ûfs e divît i blancs dai ros.

Tai blancs met une piçade di sâl e montiju a nêf ben ferme.

Sbat i ros cul zucar fin cuant che a deventin blancs, plens di bufulis e sglonfs almancul 3 voltis ce che a jerin.

Tache a zontâ il mascarpon, une sedon par

volte, simpri sbatint. E ançe cuant che ti pâr di vè sbatût avonde... va indevant ancjemò cualchi minût!  
 Cu la sedon, zonte pôcs par volte i blancs. Tu âs di amalgamâju ben ma a planc, messedant cu la sedon simpri di disot insù, se no la creme si disglonfe.  
 Cumò imbombe a man a man i savoiarts intal cafè e poiju sul fonts di une pirofile, un dongje di chel altri.  
 Tapone i savoiarts cuntun strât di creme. Ripet la operazion fin che tu finissis i ingredients; l'ultin strât al à di jessi di creme.  
 Lasse disfredâ in frigorifar par une ore. Al moment di servî, spolvare il tiramisù cuntun vèl di cacau tamesât.

**IDEIS PE LETURE**



Mie Filose, “La famee dai surisins e il trenut di len”, volum contignût te racuelte cun CD “Mariflabis - Storiis in marilenghe di lei e di scoltâ”, Comun di Glemone, 2014.


**99 PERAULIS**



“99 Peraulis. Fevelâ cul mont. Parlare col mondo. Talking to the world”, di Silvana Schiavi Fachin, Futura Edizioni, 2014, realizât in colaborazion cun ARLeF

**Tele di ragn**

Cjate in cheste “tele di ragn” la uniche secuencia ordenade di letaris che e permeti di lei il non par furlan de figure.



Fruts, al è tornât Maman! cuntune gnove stagjon e cun tantis sorpresis!  
 Us din apontament **su telefriuli**

**ARLeF** **telefriuli**

**Maman!**

**Gnove stagjon**  
 Ogni vinars aes 17.45  
 miercus aes 17.45  
 e domenie aes 7.00